



Samostalni sindikat državnih službenika i zaposlenika Uprave za indirektno oporezivanje BiH  
Самостални синдикат државних службеника и запосленика Управе за индиректно опорезивање БиХ

Sjedište Sindikata: ul. Bana Lazarevića bb, 78000 Banja Luka ; ул. Бана Лазаревића бб, 78000 Бања Лука

Broj: 01/24

Banja Luka, 23.02.2024. godine

**SUDU BOSNE I HERCEGOVINE**  
**Ul. Kraljice Jelene 88**  
**71 000 SARAJEVO**

Na osnovu člana 15. Zakona o državnoj službi u institucijama Bosne i Hercegovine( „Sl. Glasnik BiH“ broj: 19/02, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10, 40/12 i 93/17), članova 1., 3., 4. i 83. Zakona o radu u institucijama Bosne i Hercegovine ( „Sl. Glasnik BiH“ broj: 26/04, 7/05, 48/05/, 50/08, 60/10, 32/13, 93/17 i 59/22), članova 34. i 39. Zakona o Upravi za indirektno oporezivanje( „Sl. Glasnik BiH“ broj: 89/05), te člana 16. i 34. Statuta Samostalnog Sindikata državnih službenika i zaposlenika u Upravi za indirektno oporezivanje BiH broj: 10/1-99/14 od 21.12.2014.godine podnosim:

### **ZAHTJEV ZA ZAŠTITU PRAVA EMIRA MEŠIĆA IZ RADNO PRAVNOG ODNOSA U UPRAVI ZA INDIREKTNO OPOREZIVANJE BOSNE I HERCEGOVINE**

S obzirom da je Emir Mešić bio zaposlen u Upravi za indirektno oporezivanje Bosne i Hercegovine, da je član Samostalnog Sindikata državnih službenika i zaposlenika UIO BiH i da je tokom obavljanja svojih službenih dužnosti prijavio koruptivne i nezakonite radnje, dobio status zaštićenog prijavitelja od strane nadležne agencije a nakon toga je u Upravi za indirektno oporezivanje bio izložen odmazdi i diskriminaciji od strane bivšeg direktora Mire Džakule i drugih rukovodilaca koje je prijavio, te da mu je bivši direktor Miro Džakula sa svojim saradnicima kao zaštićenom prijavitelju korupcije pokrenuo disciplinske postupke sa svjesnom namjerom da mu se kao zaštićenom prijavitelju negativne pojave i koruptivne radnje u Upravi za indirektno oporezivanje BiH izrekne **najteža disciplinska mjera prestanak radnog odnosa** što se i desilo a u cilju zaštite pojedinaca koji ostvaruju nezakonite koristi zloupotrebjavajući svoj položaj i ovlaštenja u ime države.

Positivan primjer Emira Mešića kao zaštićenog prijavitelja korupcije i odmazda koja je nakon toga izvršena prema njemu po čitavo društvo i samu upravu ima izuzetno štetne posljedice jer je poslata jasna i nedvosmislena poruka da će i svi ostali koji se usude da tako nešto urade proći isto kao Emir Mešić a što se nije smjelo desiti i institucije države Bosne i Hercegovine su morale zaštititi i stati u odbranu Emira Mešića i pokazati da taj pozitivan i rijedak primjer zaslužuje pažnju i zaštitu državnih organa i institucija Bosne i Hercegovine. Na žalost svih nas desilo se baš suprotno, ono što se nije smjelo i trebalo desiti.

Saglasno članu 83. Zakona o radu u institucijama Bosne i Hercegovine zaštićeni prijavitelj korupcije i zaposlenik Uprave za indirektno oporezivanje BiH Emir Mešić nakon izrečene mjere prestanka radnog odnosa od strane direktora UIO Mire Džakule i bliskih saradnika je zaštitu svojih prava iz radnog odnosa zatražio pred nadležnim Sudom Bosne i Hercegovine podnošenjem tužbe protiv UIO BiH koja mu je kao poslodavac izrekla najtežu disciplinsku mjeru prestanak radnog odnosa.

Po podnesenoj tužbi Upravnom odjeljenju Suda BiH postupala je sudija Dragica Miletić i podnesenu tužbu zaštićenog prijavitelja korupcije i zaposlenika UIO Emira Mešića odbila kao

neosnovanu. Shodno najnovijim saznanjima i objavama u medijima da je postupajući sudija Dragica Miletić imala bliske odnose i veze sa direktorom Mirom Džakulom i da je u toku ovog postupka i drugih postupaka protiv UIO BiH u Upravu za indirektno oporezivanje zaposlila više članova svoje familije izražavamo opravdanu sumnju u nepristrasnost i profesionalnost sudije Dragice Miletić u ovom predmetu kao i opravdanu sumnju u način dodjeljivanja i ostalih predmeta i tužbi protiv UIO koji su baš dodjeljivani sudiji Dragici Miletić i da su baš sve tužbe protiv UIO kojim su zaposleni tražili zaštitu svojih prava iz radnog odnosa pred Sudom BiH od strane imenovane odbijane kao neosnovane.

Kako je Emir Mešić u trenutku pokretanja disciplinskih postupaka protiv njega od strane direktora Mire Džakule i bliskih saradnika koje je prijavio za koruptivne i nezakonite radnje bio zaštićeni prijavitelj korupcije smatramo da je svjesno i organizovano protiv Emira Mešića izvršena odmazda i diskriminacija zbog toga što je imao hrabrosti da prijavi korupciju i nezakonitosti, te da dok je imao takav status UIO i direktor Miro Džakula nisu smjeli protiv imenovanog vršiti odmazdu, pokretati disciplinske postupke i izricati mu najtežu mjeru prestank radnog odnosa sa svjesnom namjerom udjavanja imenovanog iz ove značajne i bitne državne institucije BiH što predstavlja zloupotrebu službenog položaja i ovlaštenja a isto tako smatramo da je postupajući sudija Dragica Miletić bila pristrasna prema UIO BiH i direktoru Miri Džakuli s kojim je saradivala zbog usluga koje joj je činio zapošljavajući njene članove familije u Upravu što predstavlja trgovinu uticajem, sukob interesa i zloupotrebu položaja imenovanih a na štetu prava iz radnog odnosa i prava na pravedno suđenje po tužbi Emira Mešića koji je svoja prava iz radnog odnosa u skladu sa Zakonom pokušao da zaštiti pred Sudom Bosne i Hercegovine i postupajući sudija nije smio biti pristrasan već je trebao da sudi pravedno po Zakonu i da u obzir uzme bitnu činjenicu **da se radi o zaštićenom prijavitelju korupcije i određenih nezakonitosti** prema kojem se vrši odmazda od strane onih koje je prijavio pa zbog svega toga morao je da pokaže da je Pravda pred sudom ipak dostižna, da tužbu Emira Mešića uvaži i vrati ga na posao a ne da se stavlja na stranu onog ko je prijavljen za korupciju i ko vrši odmazdu nad jednim hrabrim i čestitim službenikom koji je uradio nešto pozitivno i ispravno u javnom interesu ove države i građana a u skladu sa Zakonima za šta je svakako trebao biti zaštićen od Suda ove države a ne da i na sudu doživljava nepravdu i bude doveden na ivicu egzistencije, te da mu institucije koje treba da zaštite njegova prava ugoze i njega i egzistenciju njegove porodice ostavljajući ga bez posla dok je imao status „zaštićenog prijavitelja korupcije“.

Kako je Emir Mešić član Samostalnog Sindikata državnih službenika i zaposlenika UIO BiH, zaštićeni prijavitelj korupcije i nezakonitosti u UIO a zbog čega je prema njemu od strane prijavljenih izvršena odmazda preko bivšeg direktora UIO BiH Mire Džakule koji mu je “navodno zbog teže povrede službene dužnosti” izrekao mjeru prestanka radnog odnosa ovim zahtjevom Sindikat se obraća nadležnom Sudu Bosne i Hercegovine kojim tražimo zaštitu prava iz radnog odnosa Emira Mešića u UIO BiH, zahtjevamo zaštitu „ zaštićenog prijavitelja korupcije od strane države Bosne i Hercegovine“, preispitivanje odluke pristrasnog sudije Dragice Miletić, usvajanje tužbe Emira Mešića i njegovo vraćanje na radno mjesto u UIO BiH kako bi **Pravda** konačno bila zadovoljena čime će i Sud BiH pokazati da je Pravda ipak dostižna što ovaj hrabri i čestiti čovjek i zaslužuje od države Bosne i Hercegovine koja treba da mu garantuje status „zaštićenog prijavitelja korupcije“ .

Shodno gore iznesenom i navedenom **Samostalni Sindikat državnih službenika i zaposlenika UIO BiH staje u zaštitu našeg člana i radnog kolege i ovim zahtjevom od nadležnog Suda BiH tražimo pravdu za Emira Mešića i njegovu porodicu** a Pravda u ovom slučaju može biti zadovoljena samo pred Sudom Bosne i Hercegovine tako što će zaštićeni prijavitelj korupcije i hrabri i odvažni Emir Mešić biti vraćen na posao i presuda po njegovoj tužbi biti donesena u njegovu korist a sud Bosne i Hercegovine pokazati da je zaštićeni prijavitelj korupcije **stvarno zaštićen** i da može u skladu sa Zakonom ostvariti **pravo „zaštićenog prijavitelja korupcije“** što je i u interesu države Bosne i Hercegovine, njenih institucija i građana.

Istovremeno ovim podneskom zahtjevamo da u konkretnom predmetu i tužbi Emira Mešića protiv Uprave za indirektno oporezivanje BiH iz svih postupaka i postupanja pred Sudom BiH bude izuzeta sudija Dragica Miletić.

Izuzeće imenovanog sudije tražimo zbog gore iznesenih razloga i medijskih objava koje izazivaju sumnju u nepristrasnost, pravedno suđenje i vođenje upravnog spora od strane sudije Dragice Miletić, a naše sumnje u nepristrasnost i pravedno suđenje sudije Dragice Miletić ogledaju se i u činjenici da se većina postupaka u pokrenutim upravnim sporovima po podnesenim tužbama od strane zaposlenih protiv Uprave za indirektno oporezivanje, kod sudije Dragice Miletić završava odbijanjem tužbi kao neosnovanih, odnosno donošenjem sudskih odluka sa unaprijed poznatim ishodom presuda u korist Uprave za indirektno oporezivanje a na štetu tužioca.

Unaprijed Vam se zahvaljujem na saradnji i razumijevanju!

S poštovanjem,

U Banjoj Luci, 23.02.2024.godine.

Prilog:

- Rješenje Ministarstva pravde BiH broj: UP09-07-1-1925/23 od 22.09.2023.
- Pristupnica Sindikatu Emira Mešića
- Objava u javnom mediju portalValter.ba 24.01.2024.
- Objava u javnom mediju portalValter.ba 07.02.2024.

Dostavljeno:

- Sudu BiH
- arhiva Sindikata

Predsjednik Sindikata

Pređrag Jelača





# ПОТВРДА О ПРИЈЕМУ ПОШИЛЈКЕ

78118 Banjaluka 10  
 24.02.2024 11:49 4197 RB495458642BA 64 g \*3.70KM


Жиг поште Пријемни број Маса Поштарина

ПРИМАЛАЦ:		Попуњава пошиљалац	
SUD BIN			
UL. KRALJICE JELENE 88			
71000 SARAJEVO			
(Одредишна пошта)			
		Посебне услуге	
		Хитно <input type="checkbox"/>	
		Са повратницом <input type="checkbox"/>	
		Авионом <input type="checkbox"/>	
		Откупљина KM _____	
		Стварна вриједност KM _____	

Обр. П-2

Напомена: Непотребно прецртати  
 Потврђујем да је означена стварна  
 вриједност пошиљке

Примљена послје задње отпреме

  
 Потпис пошиљача